

OMUKWE TU




30c

No. 5

ISBN 0-620-04828-0

ETHIMBO: 1.3.1986 sigo? ? ?

- Handohotola we dhaakwiita miipangelo yOngeleki (ELCIN)
- Handjokana we paveta momagongalo ga ELCIN.



Matrone Hilja Nghilundilwa, moshipangelo shaNgela mombelewa ye. Oshipangelo she oshi na aavu ye vule 100 haa zi komagumbo.

Epangelo lyopakathimbo mOvenduka, olyo lya tseyitha iinima mbyoka. Kutya otayi kala ya mwenekwa uule wethimbo li thike peni, kape na ngoka e shi shi.

Ombelewa yOngeleki pOniipa oya mono elombwelo lya zi kepangelo lyopakathimbo mOvenduka, kutya okuza petameko lyomwedhi nguka, oondohotola dhaakwiita itadhi ka tsikila we nokuyakula miipangelo yOngeleki, osho wo aasita yOngeleki ndjika, ya kala ye na uuthemba wokuhokanitha paveta, uuthemba mboka nawo owa hulithwa po okuza ethimbo tuu ndyoka.

Oshipangelo shaNandjokwe noshaNgela, oyo yi li mongundu yiipangelo iikwawo koshitolwa shika shuumbangalantu itaayi pewa we manga oondohotola dhaakwiita. Iipangelo iikwawo oyo; Oshakati, Ongandjera, Tshandi nOmbalantu.

Pambapila ndjoka ya halakanithwa mii-topolwa yimwe yOwambo, ngaashi dha toolwa wo momudhingoloko gwOniipa, otayi ti, oondohotola odha kuthwa po, aniwa omolwaashoka omusamane Peter Kalangula, omukuluntu gwepangelo lyOwambo, oye inaa hala etanga lyegameno li tsikile neyakulo lyop aunamiti.

Tala kep. 9

MAALITSA 15, 1986

EFATULULO KIIFO LYA GANDJWA KOMUMBISOFI GWA ELCIN, DR K. DUMENI

OSHINIMA:

a) Ekwatho lyopaunamiti muumbangalantu waNamibia, mOwambo lya kuthwa po kepangelo lyopokati okutameka 1.3.1986.

b) Etseyitho lyomupresidende gwa S.Africa, P.W.Botha eti 4.3.1986.

Kuumbangalantu waNamibia, kOwambo oko ku na aantu oyendji ye vule etata lyAanamibia ayehe. Patokolo lyepangelo lyopokati ngashingeyi iipangelo iinene 6, mbyoka yi li metonatelo lyepangelo; Oshakati, Tshandi, Ombalantu nOngandjera, osho wo mbyoka 2 yi li mewiliko lyOngeleki ya ELCIN, Onandjokwe nEngela, aavu oya thigwa koondohotola moluhepo.

Pauelele mboka u li po, epangelo lyopokati olya dhimbulula kutya, oshilonga shepango mOwambo kashi li nawa, epangelo lyOwambo itali vulu okusila nawa aantu oshimpwiyu. Aantu otaa hepa, iini-ma kayi li ngaashi yi na okukala miipangelo. Onkee epangelo lyopokati tali indile:

a) Ekwatho alihe lyopaunamiti li gandjwe kEhangano lyuunamiti lyaakwiita ya SA.

b) Nenge shila pu ningwe ekonakono tali ningwa kaatumwa yepangelo lyopokati, opo aantu yomOwambo ya mone ekwatho ewanawa. Osho uyelele tau ti.

Epangelo lyOwambo sho inaali zimina okugandja iipangelo mbyoka kaakwiita ya SA, epangelo lyopokati olya tokola okuninga ekonakono miipangelo ayihe, yEpangelo nOngeleki. Okangundukonakoni oka tungwa maantu:

Oondohotola 2, omwaapoteka 1, omupangi omukuluntu 1, nomuwiliki gwiilonga omunawino melelo nomiiniwe yiipangelo. Epangelo lyOwambo otali tula po aantu yalyo 2, amushanga gwokomitiye ota gandjwa ta zi koshikondo shuunamiti shepangelo lyopokati.

Inapu popiwa kutya, otashi ka ningwa uunake notashi pula ethimbo li thike peni, opwa tiwa ashike momasiku tage ya gopopepi lela. Shoka sha ningwa osho etokolo kutya:

"Onda lombwelwa kOmukuluntu gwoshilonga shopaunamiti (Surgeon General) ndi ku lombwele kutya, ekwatho lyopaunamiti hali pewa epangelo lyoye kEhangano lyuunamiti lyaSouth Africa, otali hulithwa po eti 1/3/1986.

Eindilo kehe li na sha nomukalo gweyakulo lyopaukalinawa omakwatho agehe nenge okupula ondunge shi na sha nomayakulo ngaka oge na okupulwa kepangelo lyopokati opuwo, hakOmukuluntu gwo-shilonga shopaunamiti nando.

Etokolo ndika, kali na ohenda naavu omayuvi taa hepa, olya tuminwa epangelo lyOwambo komunashipundi gwOkabinate yepangelo lyopokati muFebuluali 1986.

Patokolo ndyoka oondohotola oya za mo miipangelo noinaapu tseyika sigo uunake. Etanga lyegameno mombapila yalyo ya halakanithwa mOwambo yi na oshipalanyolo "Ovanhu aveshe mOwambo," otali ti: "Etanga lyegameno oli na ko nasha novakwashiwana vomOwambo."

Omuntu oto nyengwa okuwa ko elandulathano lyepangelo lyopokati ndyoka tali ti olya hala okugandja ekwatho ewanawa kaantu yomoshitopolwa shika, ihe pethimbo oyo tuu ndyoka otali ningi etokolo oondohotola ya ze mo, manga aantu taa si notaa hepa.

Ishewe aakuluntu yoondohotola, noondohotola dhaakwiita mboka taa ti "Oye na ko nasha novakwashiwana mOwambo," moombapila dtaa tseyitha oye na oshimpwiyu, ihe pailonga otaa zi miipangelo, manga taa thigi po aavu taa si notaa hepa.

Oshinima shoka tashi dhipagitha aantu oyendji noku ya hepekitha, yo inaa yona sha, osho shoka sho aniwa oshikondo sheyakulo lyuunamiti mOwambo inaashi gandjwa koshikondo shepango shetanga lyegameno lyaSouth Africa.

Omapulo:

Omolvashike eyakulo lyopaunamiti li na okugandjwa ketanga lyaakwiita ya SA? Otashi ti ndishi epangelo lyopokati itali vulu sha?

Ngele osho kutya, oondohotola yaakwiita ya SA nepangelo lyopokati oli na shili oshimpwiyu naantu, omolvashike ekonakono ndyoka itaali ningwa manga oondohotola ye li miilonga taa panga aavu, sigo oshizemo shekonakono shu ulike shoka shi na okuningwa po?

Onkalo yongashingeyi mOwambo kombinga yoondohotola:

Oondohotola inadhi gwana. Oondohotola mboka ye li po otaa hepa, oshoka otaa longo okuza otundi 7 ongula sigo otundi 7 nenge 8 yokomatango.

Iipangelo yimwe ihayi mono we oondohotola. Oshiholelwa moshipangelo shOngeleki muJanuali omwa li aavu ye li moombete 241 aavu haa zi komatango esiku 6/3/1986 oya li 402 mesiku, na oye na omundohotola gumwe nenge yaa li pomathimbo gamwe.

Kombinga yaavu otaa kala ya tegelela oondohotola okuza otundi 8.00 yongula, yamwe sigo otundi onti 7 komatango, nayamwe otaa tegelele natango sigo esiku tali landula.

Aantu otaa hepa konkalo yiita, otaa hepa kuuvu, oshoka epangelo lyopokati olya tokola aantu yomOwambo ya hepe, manga yamwe kUumbugantu woshilongo hoka kwaa na iita, taa silwa nawa oshimpwiyu. Ondi wete kapu na uuyuuki, kapu na oshimpwiyu naantu ayehe yomoshilongo.

Etseyitho lyomuPresidende P.W.Botha 4/3/1986.

Mokuyelekanitha netseyitho lyomupresidende P.W.Botha gwa SA eti 4/3/1986 kutya, esiku 1/8/1986 oyo li kale esiku lyokutulwa miilonga kwokatokolitho 435 kligwanahangano komumvo 1978, omuntu ota vulu okuwa ko kutya:

Mpaka opu na onkundana ombwanawa, oshoka okatokolitho hoka 435 otaka popi okuhulithwa po kwiita muNamibia, akwiita ya SA ya ze mo muNamibia; ku ningwe ehogololo lyopaudemokoli; opo ku kale ombili muNamibia alihe, oshilongo shi kale sha manguluka.

Oshitopolwa oshitiyali shOmupresidende Botha moka ta pula Acuba ya ze mo tango muAngola, mboka inaa popiwa mo mokatokolitho 435, opo oohapu dhe dhi tsakanithwe, shoka otashi yelitha nawa kutya, metseyitho lye kamu na uuyuuki nohenda yaantu, unene Aaluudhe mboka taa hepa notaa si oomvula odhindji dha piti, notashi tsikile natango.

Metseyitho ndyoka inaku popiwa nando ohapu yimwe kutya, aakwiita ya SA otaa zi mo uunake muAngola nomuNamibia. Aanamibia oya hala okuwa kutya:

- Esiku lini aakwiita ya SA na SWAPO taa shaina etulopo lyomatati.

- Esiku olini aakwiita ya SA taa zi mo muAngola nomuNamibia.

- Esiku olini ehogololo lyopauyuuki no-lyopaudemokoli pa 435/1978 tali tulwa miilonga, pwaa na we omatokelitho, nomautho gasha.

Oshinima shAcuba muAngola kashi na okumangelwa koshinima shemanguluko lyaNamibia.

Eyelitho: Osha yela kutya, mboka ye na oonkondo moshinima shaNamibia, itandi ti oya nyengwa, aawe. Onda hala kutya, okaaye na ashike oshimpwiyu shaantu, unene Aaluudhe mboka taa hepa, notaa si moomvula odhindji dha pita.

Eindilo kooitaali ayehe muNamibia nomuuyuni auhe:-

Otandi mu indile mu tsikile nokugalikana, meitaalo lyashili, nomeinekelo lya ko-

Tala ktp. 9

EGONGALO OTALI VULU TUU OKULONGA OSHILONGATUMO?

ETSIKILO

Ngele otu uva ko notwi itaala kutya, "MISSIO DEI," Etumo lyaKalunga, nena ondjila yetu mokudhiladhila etumo otayi kala ya yela. Ano omulandu gwegongalo otagu lunduluka ngele ku na iiyimbi yasha mokulonga oshilongatumo.

Po pwene kapu na naanaa omulandu gu shi okugandjwa ongoshiholelwa, nkene egongalo li na okulonga oshilongatumo. Kakele owala komikalo ndhoka dhi shi okulandulwa, tadhi uthwa owala konkalo moka egongalo li li mo.

Pashiholelwa, egongalo ndyoka li na iilyo yalyo ayihe aalongi yomapyo naasita yimuna, omulandu gwalyo moshilongatumo otagu kala gwa yooloka kwaandika li na iilyo yi na iilonga yomaludhi ogendji.

Oshilongatumo megongalo inashi kala owala shaaselekadhi noothigwa, nenge shaaikaleli noofelani. Sho oshilongatumo kashi shi owala shokangundu okashona megongalo, okangundu moka mu na aanenentu yontumba nenge okangundu kookuume kEtumo.

Shika oshinakuganithwa shegongalo alihe ne-

"OMAGONGALO NKENE GA GANDJA KUSENEGAL".

IIKANDJOLONGA NOMAHANGANO MONGELEKEKI AYIHE

	1 9 8 3	
	R	C
1. OOTATE	650	,00
2. OOMEME.....	300	,00
3. AAGUNDJUKA	300	,00
4. OMUSIKA	300	,00
5. OSIKCLA YOSCONDAHA	300	,00
6. OSHINYANYANGIDHC ...	300	,00
7. OSHIHCONDJELO.....	-	-
8. AAIDHILIKI	-	-
9. AAPANGI	-	-
10. AANANGESHEFA	-	-
11. AASITA	-	-
12. AALCNGI.....	-	-
	2 150	,00

OSHINAKUGWANITHWA

kuSenegal

	1 9 8 4		1 9 8 5	
	R	C	R	C
	500	,00	600	,00
	-	-	-	-
	300	,00	300	,00
	-	-	-	-
	300	,00	-	-
	-	-	-	-
	300	,00	-	-
	-	-	-	-
	-	-	-	-
	-	-	-	-
	-	-	-	-
	1 400	,00	900	,00

Egongalo Okando olya gandja omumvo 1984, R162,10* lya mana.
Egongalo Onangalo komumvo 1983 lya gandja ko R5.30
Egongalo Ongwediva komumvo 1983 lya gandja ko R100.00
Oshitayingeleki shaUkwanyama sha gandja ko R5802.80
Iitayingeleki ayihe kumwe R13143.20

Justus N. David
Amushanga

Methano ndyoka kolulyo omusamane
Eneas V. Haifidi

Ouyeleele nau kondjife omilaulu

Oukriste wopefimbo eli ou na okukala wa mana mo. Omukriste womefimbo eli oku na okuholola efimano loukriste. Omukriste oku na okuyandja oshihopaenenwa shiwa tashi hokiwa kwaava ve he fi ovakriste.


Omukriste oku na okuulika ohole yaye yopakriste noshili yokuhola keshe omushitwa, noku-shilila mo vamwe ovo vaha limo moshiunda shovana vaKalunga. Ovakriste ohatu udikwa ongo ouyeleele tau kondjifa omilaulu. Ovapaani ohava kala ne va dakamena kouyeleele oko, va hala okukala pamwe novakriste mouyeleele omo. Ashike ohava nyengwa okwoongala pamwe novakriste omolwokutalelwa kombada yeenyala kovakriste.

Omukriste mukwetu, onawa nge to ningi oshiyuulifo opo u yulemo ovapaani moupaani, ove u va ete moshiunda shovana vaKalunga. Ino tala omupaani noku mu nyanyala. Holola oiimati iwa kuye, yee a shiive okulandula eshiivokalunga moku mu yambidida kwoye.

Nge ovakriste hatu ningi ngaha, nena ohatu yadifa oshiunda shovaitaveli mokushilila mo ovapaani, ndele nge oilonga yetu oii, nena ovapaani itave lidilulula. Otave tu tale nonghume noitava hokwa oilonga yetu.

Hano ovakriste tu djaleni ouladi, tu ha shundule nokutapo ovapaani koshipala shetu, tu ha kale noiimati ii, oyo itai shambula eemwenyo dovapaani ovo va pumbwa elidilululo.

Onghee omukriste kala ongomushingifi weendjovo daKalunga komupaani yee e di hokwe, yee a shiive e uyemo meongalo lambuleni. Ino yavala eshi yee a kala omunashimhanga meitavelo laye, ile mopolotika. Ei aische kai na oshilonga ndee osho shi na oshilonga omwenyo waye u mone efilonghenda opo a xupifwe. Hano natu kale ongouyeleele tau minikile ovapaani momilaulu tu va kufemo moupaani tu va ete kexupifolo li li pomushiyakano waKristus.



Pamwe to kwike Kakulu, ye ou ta vele omutwe oTena

Moshilongo ashishe keembinga neembinga ovanhu ova limbililwa kedopo olo tali tyakaleke unenenene, li dule nokuli epito neepeleshenda dihapu, unene meesekundofikola.

Mohani Desemba manga Okrimesa inai dana, oto mono omalumbo eesekundofikola e yadi nale omangafifi ounona va kalela eembelewa.

Ehena u tale puvo ndee to va pula eshi tava ningi opo ofikola ya fuda. Ngeenge ino lombwelewa okutambulwa ile okutambululwa, komunwe wange oto tete ko.

Koo kwinya komaumbo ovadali ove li ko nee tava kwike Kakulu yee ou ta vele omutwe oTena. Ounona eshi ve uya kefudo va dopa vati epuko olovalongi inava longa nawa, ve shiivike nokomadina vati ovo hava longo nai.

Ovadali ovafimanekwa, ounona ove na eamo lokupopya ovalongi nai ngee va dopa, ndee ngee va pita itamu udu sha.

"Vakwetu Christophine ha piti, ha piti ndee nghee e uya mofikola yeni ta dopa?"

Olo ola li epulo lomudali umwe eshi a mona nge pongeleka komambo mofudo. Ngeenge oto dilonga nawa omadiladilo etumbulo eli, oto mono nghee okwooko ihaku lidi peteta.

Oshi li mondjila, shaashi naame enyamukulo lange lotete ola li: Christophine ine lilonga meme. Inandi tya: Christophine ina longwa nawa meme, shaashi ame umwe womovalongi vaye.

Ovadali vahapu ova tonda nokuli ovalongi ovo va tumbulwa kovana va dopela meengudu davo. Ovalongi vahapu ova ningwa nokuli oilongi, vati inava hala ounona va ye komesho.

Ovadali ovafimanekwa, ounona nava undulwe hano voo inava pita, vaye komesho? Walye kutya otava ka longa shike ve he shii sha.

Luhapu meesekundofikola omulongi oha longo ashike oilongwa ivali fiyo itatu. Oyo ngaa tai dopifa omumwoye ekonakono alishe? Inamu udako omulongi mwene wongudu (Class Teacher) epuko.

Ovadali ovafimanekwa, apa otapa landula oitwa imwe tai dulu okweeta edopo lovana ovaholike vetu.

- Ounona ihava lekelwa ngee tava i kofikola yomuhandjo, kakele kokutya: Ka fikoleni nawa.
- Ile va kundwe nge ve uya komafudo, kakele kokutya: Mwe ya kefudo?
- Ile va talelwe po manga ve li meetundi.

Ekwatafano lomudali nomona ohali kana oule weemwedi nhatu fiyo nhe ile ndi tye odula nokuli kwaavo va kala kokule. Okaana ngee otaka i komuhandjo naka lekelwe nomatumbulo ngaashi aa:

Tomas mumwange, owa yuka nee komuhandjo (kOseko). OoWedeingo nooNghilinganye nooNghiningishiwa, oko to ke va hanga oko, nomi-

kalo davo da yooloka ngaashi omadina avo. Hoolola ookaume vava novakriste. Ino lovelela oyo i li poule, tashi ya ihashi londelwa. Ohatu teeleele epito, hadopo nandenande meumbo omu.

Okaana nge oke uya kefudo loshikako shotete ka dopa, naka monenwe omatumbulo taa etifa epito moshikako tashi landula. Hamambebeleko nande.

Momaumbo amwe ounona ohava ndwangwa ashike oimaliwa koo otaku ti: Landula omunwe, ile nandi ku mone kombuda. Kutya nee otake ke i longifa ngahelipi, nai kawo nomulondi.

Okaana oke na okulombwelwa nawa, ndee naashi taka mono vakwao koo otaka dimbulukwa omatumbulo axe ile aina. Mounyuni wone-na oshi li sha nyika oshiponga okuninga "Kushamukweni to popi, kushoye to tale omesho." Konakona tete manga inoo popya.

Ame mwene inandi hala okukomba mepya meumbo mwa kaka. Ope na ngoo shili ovalongi vamwe ovo onyalo tai va pe Kapinya. Omulongi a tya ngaho oha i ashike kotundi ye ota kala omutumba koshitaafula ile mekende longulu, yee ta shiki nee omaulu. Omo nee e li ta ningi nee: "What is pressure? Pressure is the force per unit are." Ta longo omapulo nomanyamukulo fiyo okatenda taka denge.

Ounona eshi ve mu tala va mwena voo vamwe tava menyembo oku shii ova landula. Mboli ounona meemwenyo otava ti: Vakwetu Mestela nge okwa wile pondje yongulu, ponhele yokulandula oshilongwa.

Ope na vali ovalongi vamwe ve lininga omapangalume, ve lininga ovalongifi, nde havalongi pamwe. Ohava ti: Lilongeni, ame ondi na nale odjapo yange. Hapo omukalo ngaa muwa okutwa ounona omukumo va mone yo eedjapo, ndele kombinga imwe ounona kave fi voshipito shoye opo u va lombwele ngaho.

Owa fa to ti, ova nyengwa nale eshi mwa longwa navo. Omulongi a tya ngaha nge nee fiku olo a tokola okulonga, okwa fa ashike a shindwa. Oha longo a fa ta tanguna.

Ounona eshi ve mu tala va tila, oku shii nee vati ove litula mo, mboli ounona otava diladila omushamane umwe wokoshilongo shavo e na onyanya ngaashi omulongi oo.

Ovalongi ovafimanekwa, ounona ova pumbwa okuhololelwa yo ohole youdalwa, osheshi omulongi oye omudali omutivali wokaana. Natu dimbulukweni kutya ohatu longeni ounona ve li meengudu nhatu ngaashi tadi landula apa:

1. Ovanandunge volela
2. Ovanandunge xwepo
3. Ovakendabali volela

Natu longeni oshiwana shetu nawa. U he na mutanda, ku na ngobe, u he na mhaona, ku na oilya. Ounona ovo oshiwana shokomesho. Omudo woneudo oo omudo welidilululo: "Kalunga, shitile nge omwenyo wa yela." Eps.51:12 osho oshipalanyolo shomudo.

Ngeenge owa shitululwa momwenyo, oto longo nawa, nedopo otali ninipala. Ohandi mu halele eenghono dipe efiku keshe moilonga nokulalakanena elongo loshiwana. 'Knowledge is

power", Ounongo oo eenghono, osho Omwii- ngilisha ha ti.

**Mattie S.Nengola
Oshakati**

OVAFIMANEKWA NOVAHOLIKE AMUSHE OTU SHI WETENI TUU, ESHI HATU I MOMEVA NEENGHAKU, PU HE NA NGHEE?

Oudjuu: Ovanhu vahapu ohava kala va nyolela pedu ongudu onhi 8 navahapu ohava piti nawa lela, tava hangika kediladilokolo va ka hovele ositanda 9 ile ouhongi nongeno pamwe va ka konge oilonga nokuli, ndele ihashi piti noupu omolweedjapo davo odo hadi kala inadi uya pefimbo lomatokolo aeshe oo.

Molwoshinima sha tya ngaho, kuvo vene ohava kendabala okukwafelwa penya naapenya okumbesitela eedjapo davo, ashike nande ongaho kemanya ku dja wo ondwi, ihapu holoka sha. Pakutala kwange, vahapu ova mana ekonakono 1984, ndele fiyo opaapa inava mona eedjapo davo dOstanda tuu oyo.

Oshinima shinene osheshi, ounona novakulunhu ohave uya noumbapila ovo ve lile po eedjapo davo "result letters" opo ngeno va mone etwikilo, ndele vahapu ohaku tiwa ashike eteleleni eedjapo deni, nonande eedjapo odo tuu odo hadi kufa eedula. Ngeenge onashi ka twikila shi li ngaha, ovanyoleli vopedu onava ka twikile naini mboli?

Eindilo: Molweyooloko komunhu nomunhu lokukala po kwetweni "Nasionale" kai li kokule kuvamwe, ndele oi li kokule kuvamwe omolwoimaliwa. Umwe oha mono ashike oshendja yofikola naumwe oha mono i dulife lutatu.

Onghee, ovaleli novakomesho voshiwana shetu. Ovawambo unene eeministeli, ovataleli, ovakulunhufikola nosho yo ovafitaongalo, tu kwafeni mu tu konakonene oshinima eshi, opo shi endeke pamwe neembumbwe dofikola ei ya pumba mefimbo eli.

Eindilo oleli ngeno pu totwe nande ombelewa yovanyoleli vopedu vomOwambo "Owambo Correspondents Office," opo i kwafele okumbesitela eedjapo noi shilipaleke epito lomunhu a tambulwe noupu ngeenge e na epopilomukanda la dja kombelewa ya tya ngaha.

Ngeenge itape uya elunduluko lasha ohatu ka hepa. Onghee, kwafeni oshiwana nena, opo shi kwafe yo shikwao mongula, opamwe nonakuiwa yoshilongo shetu."

**M.Sh.Ndadi
Omuhongwahongi**

MOKAOKO OTAA LIWA ONDJALA MEDHINA LYUUPOLOTIKA

Aanashilonga yOraata yOongeleki muNamibia (CCN), mboka ya kala taa topolele aasindjala iikulya mOkaoko, opwa hokololwa kutya oya tidhwa mo ngashingeyi kelenga ekuluntu Kefas Muzuma, ngoka aniwa ta ti iikulya mbyoka oya zi kuSWAPO.

Pahokololo lyomuwiliki gwoshikondo shuulinawa mu CCN, omusamane Bob Kandetu, okwa ti kutya osha li oshikando oshitiyali aanashilonga mboka okuza 1985 sho ya ka topolele iikulya mOtjokavare, mOkaoko, nomiitopolwa iikwawo mbyoka ya dhengwa nayi kolutuni ngaashi moWarm - Quelie, nOtjindakwi.

Otaku tiwa elenga Muzuma olo lya pulile aasita yOongeleki onkwaLuther opo ya nyolele kepangelo lyAaherero mOkahanja, li gandje eziminino kOongeleki yi topolele aantu yayo iikulya noya tungilwe omuhandjo gwasikola.

Konima elenga olya ti ishewe ngele aantu yalyo oya kale taa si kondjala, itali taamba ekwatho tfuli zi CCN, oshoka iikulya mbyoka ohayi zi ku SWAPO.

OSHITUTHI SHEGANDJO LYOSHIPUNDI SHEVULULUKO KOMUYEVANGELISTE GWONGELEKI EFRAIM ANGULA

Oshituthi shegandjo lyoshipundi shevululuko komuyevangeliste gwongeleki tatekulu Efraim Angula, osha li sha ningwa Osoondaha yotango yaMaalitsa numvo megongalo lyaa-ndjawa, mOlukonda.

Omumbisoti gwongeleki Kleopas Dumeni okwa li wo a kala moshituthi, nokwa li e shi popitha ngaashi tashi landula:

“Otwe ya mpaka koshituthihambelelo, okuhambelela Kalunga, omolwevaangeli twe li uvithilwa oomvula odhindji kutate nameme Angula. A lesa Eps. 103:1-5. Konima sho a lesa muJak.1:17,18, okwa lombwele aakwashituthi iinima mbi:

— Otwe ya okuhambelela Kalunga sho a longitha tate Efraim Angula, omagano omawanawa ga gwana.

— Okugandja oshipundi shevululuko komusita Efraim nena nameme Angula.

— Opensione mongeleki yetu oyo oshituthi shepandulo. Oyo endhindhiliko lyesindano mpoka pwa kala pu na ekondjo elulu, nopwa adhika esindano.

— Pangeleki yetu shika oshituthi she- simaneko enene kwaangoka ta yi moshipundi shevululuko.

“Openzela kayi shi okweekelahi; osho wo kayi shi okukutha omusita oshilonga she. Efraim ota kala omusita sigo okeso.”

— Omoluukolele womuntu, omuntu ha loloka, onkee ta manguiulwa miimpwiyu yombelewa noyiinakugwanithwa ye.

Omumbisofi okwa holola wo nkene tate nameme Angula ye etele ongeleki omayambeko gaKalunga mokuuvitha kwawo evaangeli, oomvula odhindji.

“Otamu yakula mpoka tashi pumbiwa,” osho omumbisofi e ya kumagidha natango.

Oshituthi osha li sha kalwa konyala kiilyo ya za omagongalo agehe gwongeleki, tayi tengenekwa 700 - 800.

Muule konyala wootundi 4, aantu oya kala ya pulakena uukwatya womusita Efraim Angula, mboka wa ziilile miipopiwa yaamboka ya monene ompito okutya sha nomoondjimbo.

Moshituthi omwa li mwa kalwa koongundu- lwiimbo, Teimbiitezimbuka, yegongalo lyaShitayi nosho wo anasikola yaLuno.

Omusita Efraim Angula okwa tseyika nawa kutse okwa kala kuume kaapangi, kaalongi nokaanangeshefa. Omunangeshefa Eliakim Shiimi okwa li wo a mono ompito peha lyaanangeshefa nokwa li a ti ngeyi:

“Katu na sha shilwe shaashi okuholola epandulo lyetu. Tate nameme Angula oya vulika kehala lyeithano lyaKalunga. LyaAngula okwa

kala te tu kongo apehe.

Iiyimati yiilonga ye otayi monika moongeshefa dhetu sho tatu tameke iilonga yetu negalikano. Okwa tsikile ishewe: “Oto lalekwa, ihe tse natango otwe ku pumbwa, oshoka otu lwete kutya ewiliko lyoye olya nyashapala.”

Aapenzelwa tate nameme lyaAngula manga i- naa pewa iipundi yawo, amushanga gwongeleki tate Absalom Hasheela peha lyombelewangeleki okwe ya tumbulile ngeyi:

“Kape na nande ogumwe ta pataneke oshili ndjika, kutya tate lyaAngula okwa longa oomvula odhindji. Ongeleki yetu oya paluthwa molwoye. Onkee oshi li mondjila sho pwa longekidhwa oshituthi sha tya ngeyi, opo u pewe oshipundi shevululuko. “Fudiipo koiilonga yefimbo lile, ndele twikileni noiilonga yeni mewiliko laKalunga.” Jes.40:30-31.

Joel Akudhenga



Omuuvithi E. Angula pOmulonga

4 MONGWEDIVA YA MONO OONZAPO MOKULESHA NOMOKUNYOLA

ONGWEDIVA: Oshitayi shehangano lyokulonga omuntu okutseya okulesha nokunyola, shokOwambo osha gandjele oonzapo kaalongwa yasho yane 19.1.1986 megongalo lyaNgwediva.

Oonzapo ndhoka dha gandjwa konima yelonge- lokalunga, odha li dha gandjwa komusamane Zenne Constantin omutonatelishikandjo shokuu- mbangalantu mehanganu ndyoka nokomusamane E lipinge omukalelipo gwoshilonga shoka mOwambo.

Elalakano lyiilonga yehanganu lyokulonga aantu okutseya okulesha nokunyola ngaashi li li mOve- nduka, olya fatululwa wo kaawiliki mboka mongeleka.

E. Ipinge

Oofule dhomoshili

Mapenda gaKalunga
Oofule dhaNampongo
Yantu yaMbanguni ne
Aapopi yaa shi tashi ya
Aaholi yaa shi shi li komeho

Aathiga yaJesaja
Aahiya yaJohannes
Mwa yanuna Ombubeli
Mwa ndjokonon'uuyapuki
Noshili yevaangeli

Imalwa we twi itheta
LyaAngula we twi igidhila
Yakwetu kongolo okwa sha
Omuyaleki oposheelo e li
Tu ihul'iilonga yomilema
Tu zale omahwahwa guyelele

ShaMvula wa ngongosheka
Amakutuwa we tu londodha
Shitayi we tu papudhula
Yakwetu yanankali ne openi?
Ino tya uukongo nau galuke
Ashike momuthitu omu nonime

Aakulupe naakuluntu
Aagundjuka noohembumbangelo
Ayehe omwa topelela
Mwa ganda, mwa guna, mwa kumagidha
Kamu tidha humba yi gondje

Yamati yaKalunga mwi ikuth'ongunga
Nampongo ne mu ndjangeke
Mbanguni ne mu yambeke
Muukulupe mu gundjuka
Mu nuke ngonyatigona
Mu ka imbe nguuhumba
Una mwa thiki pOmukilili
Okohango yOnzigona

Emilia Tauja

OMUMVO GWOMBILI MONAMIBIA 1986

1986 ogwo omumvo gwombili muuyuni auhe, ano otse otatu indile ombili yi holoke moNamibia lyetu, unene kuumbangalantu woshilongo nkoka ku na iita ya pindjala nekawatopo lyaagundjuka naasamane.

Oomeme oya ningi aaselekadhi natse otwa ningi oothigwa molwootate twaa ya na we. Otatu pula okatokolitho 435 ka ye miilonga meyambidhidho lyo V.V.O. Pamwe noonkondo tadhi zi pombanda kOmuwa Kalunga Omushiti gwaayihe.

Ombili tse otwe yi hala moshilongo shetu oshiholike. Omwa ye mwene oku li mokati ketu, moondjedhililo nopondje yoshilongo mpoka tu li. Yo ondjila ndjoka twa hala oyo oshili, opo tu manguluke kuupika waSouth Africa.

Aagundjuka oomvalele dhoshilongo, thikamene kumwe, opo mu kondjele uuthemba weni. Ombili ano otayi pulwa momuvo nguka 1986. Ano ohole oyi na oonkondo yi vule eso, ye Kalunga oye ohole nombili moNamibia.

R. N. Shilongo
Windhoek

INO HOLEKA OMUNYA- NYANGIDHI EDHINA LYOYE

Natango ohatu mono oombilive odhi- ndji niipopiwa ya nyolwa momadhina nomoondjukithi dhiifundja. Kashi li mondjila shoka. Ngele u kale inoo hala edhina lyoye li tseyike kaaleshi, onawa ngaa u li hololele omunyanyangidhi e to gandja ihe edhina ndyoka wa hala li longithwe.

Amushanga gwOmukwetu.

Oshili, uuyuuki nelandulathano tayi kondjelwa kOraata yOongelegeki muNamibia

KuJohn Shitundeni

Oongelegeki adhihe muNamibia (unene tuu omawiliko gadho), indilwa nokudhimbuluthwa dhi endeke pamwe nethimbo momauvitho nomokuninga omatokolo, ngele nani otadhi lalakanene okuyakula omuntu aguhe. Eingilo ndika pamwe nomaindilo galwe, olya ningwa moshigongi shaayakuli mOongelegeki nomoshigawana sha li mOngwediva muFebuluali nuumvo.

Oshigongi sha tumbulwa osha li mewiliko lyOshikondo shuuteolohi shOraata yOongelegeki muNamibia (CCN). Shika oshikando oshitiyali sho oshigongi sholudhi nduka tashi ningilwa mOngwediva.

Lwotango osha li mo muNovomba 1985. Pahapu dhomulongekidhi, oku niwe omathaneko momumvo tagu ya shi ka kale miitopolwa yilwe yomoshilongo.



Omundohotola S. Amadhila ta fatululile oshigongi nkene yo kuunamiti taa kambadhala nekondjitho lyomikithi.

"Miigongi yilwe olwindji omuntu oto adha mo iipopwiwa noondjimbo odhindji, ihe oshigongi shika oshi na uukwatya washo wi ili woonkundathana muungundu nosho wo wokukundathana iiyetwapo yuungundu montaneho yoshigongi ashihe," osho omukwashigongi gumwe a koneke eyooloko ndika mokuyelaka niigongi yilwe yopangelegeki mbyoka i igilila.

Oonkundathana ndhika odha li dha kankamekwa kiipalanyolo tayi landula: Eputudho megumbo, mongeleki nomoshigwana; eputudho momanongelo; uuhaku; ongeshefa; iilongo nomikunda; iinyandwa; uunkolwe nomaluhepo; iimuna, iiyamakuti

nomithitu; omahangano gaavalelwa mo; nomaukwatya gOongelegeki ndhoka itaadhi endeke pamwe nethimbo naandhoka tadhi endeke pamwe, nonkene tadhi yakula omuntu aguhe.

Mokati kaakwashigongi omwa li omukwaniilwa gwoshilongo shaNdonga, Immanuel Elifas naathindikili ye yaali nosho wo elenga lyokUukwambi Herman Ipumbu; oombelewa dhiilongo yilwe kadha li dha tuma aakalelipo, nonando pakupopya kwomulongekidhi, nandho odha li dha tuminwa omahiyo. Omumbisofi Kleopas Dumeni pamwe nomukwathi gwe naye okwa pitile po wo.

Uukwatya umwe ishewe omuntu to koneke sho wa pulakena aapopi okuza petameko lyoshigongi sigo opehulilo, owo "okwiithana oshihupulo, oshihupulo"; tashi ti okupopya oshili nokwaaneka pomutenya shaashoka sha konekiwa tashi kenyeke moshigwana nelalakano lyokufala omanyenyeto ngoka kukehe ngoka e na oonkondo okwoopalekitha onkalo ndjoka tayi hepeke aakwashigwana.


"Ngoka kee hole oshili tayi popiwa, ita hokwa okukala moshigongi shiyaka, oshoka ota ka mona te chamekwa owina komapopyo," osho omukwashigongi gumwe ishewe a holola omadhiladhilo ge kombinga yuukwatya woshigongi pomukalelipo gwoshifo shOmukwetu.

Oshigongi osho tuu shika osha thanekwa shi ka kale ko ishewe muKotoba nuumvo mOngwediva. Esiku inali tsaeyika manga. Omukwashigongi gumwe sho a li a pulwa komutoolinkundana gwOmukwetu lwopehulilo lyoshigongi nkene ye a tala ko oshigongi shiyaka okwa ti:

"Oshigongi osha pumbiwa shili moshigwana, oshoka otashi tonatitha omeho gomuntu notashi gandja evoko ewanawa lyonkalo yongashingeyi niiningwanima yayo."

Omadhiladhilo galwe ga li ga penduthwa koonkundathana dhoshigongi ongaashi taga landula:

* Omainyengo agehe gomevi lyetu, ogo chomono enene kOongelegeki nokaayakuli ayehe moshigwana.



Omusamane Paul Ipumbu ta popitha oshigongi.

* Ethimbo lya tya ko, opo Oongelegeki naakwashigwana ya tameke kuyo yene iikunino yaanona shaampoka moshigwana. Okwa kolekiwa moshigwana shika moshitopolwa shika shokuumbangalantu, kutya ongelegeki yaKatoolika oyo ayike ya tungitha oshikunino shaanona shoka shi li mOshakati.

Omukalelipo gwOongelegeki ndjoka moshigongi shiyaka, ye oye wo ha wilike oshikunino sha tumbulwa, Sr. Leena Matias, okwa tseyithile oshigongi kutya ngele oongelegeki dhetu odhi na ehalo dhi tume aantu ya ka putudhilwe uulongi wiikunino, ihe kaye lwete mpoka taa tumu aantu ya tya ngaaka, naa ye mekwatathano naye kondjukithi ndji:

R.C.M. OSHAKATI;
P.O. Box 1179
OSHAKATI,

Tala kep. 9



Oshigongi oshi li miipundi tashi pulakene iipopwiwa

EHANGANO LYETU OLI NA OSHINAKU- GWANITHWA: AMUSHANGA GWAAKWA- LUTHER

Oniipa: "Ehangano lyetu lyAakwaluther ayehe muuyuni oli na oshinakugwanithwa oshinene shoka li na oku shi ninga mokati kiigwana, okuhempulula evaangeli ndyoka li na oonkondo tadhi hupitha."

Omatumbulo ngoka ga zi mokana kaAmushangandjayi gwOngahangano yaAkwaluther muuyuni (LWF) omusita Gunnar Staalsett pethimbo iyetalelopo lye mOngeleka yaNiipa.

Dr Staalsett okwa talela po Namibia pamwe neefolo lye pehulilo lyaFebuluali gwa zi ko. Olweendo lwawo olwa thiki sigo omoshitopolwa shiita pombelewa yOngeleki ya ELCIN, pOniipa mOwambo.

Aatonateli yiitayingeleki itatu mOwambo, osho wo aawiliki yiikandjo konyala yomaludhi agehe mOngeleki, oya holokele esiku ndyoka pOniipa

Osho oshikando shotango Amushangandjayi Staalsett ta talele po Namibia okuza sho a tameke oshilonga shuuhamushanga mehanganu ndyoka lyaAkwaluther, a ti kutya oli na ngaashingeyi oongelekishilyo 104.

Ehogololo lya dr Staalsett olya ningilwe moshigongi shokomitiye yongundumpitithi yEhangano ndyoka muAguste gwa zi ko. Mombelewa okwa yile mo petameko lyaSeptemba 1985.

Mokupopitha elongelokalunga Staalsett oku ulika kiinima itatu mbyoka ehanganu lye tali lalakanene okulonga mokati kiigwana:

a) Okuhedhitha komeho ehempululo lye-vaangeli lyJesus ndyoka a ti oli na oonkondo okuhupitha.

b) Okukondjela uukumwe wOngeleki mboka a ti kutya, itau ningwa ashike pokati kOngeleki oonkwaluther, ihe naandhoka wo dhomaitaalo galwe.

c) Osho wo okuyakula omuntu kehe palutu nopambepo ye.

Mokuyelitha uudhigu wokutsakanitha oshinakugwanithwa shono ye shi na pokati koongundu dhomaitaalo gi ili nogi ili, he yaanona yaali, Staalsett, okwa ti kongundu yaanashilonga.

"Tala, gumwe ota ti ota longele Kalunga, ye ota hepeke yakwawo manga omukwawo ta ti naye ota longele Kalunga nokwa hala okupopila uthemba wayakwawo.

"Olye ile omulongelikalunga gwa shili mpaka?" osho a pendulila ngeyi aapulakeni ye omaipilo.

Okwa yapulilwa oshilonga shuusitagangalo 1961 mOngeleki yaandjawa muNorwee nokwa kala omusita gwaagundjuka omimvo ndatu. E ta ka ninga omulongisikola yuusita muStavenger, muNorwee okuza 1964-70.

Okuza 1970 okwa kala wo Amushanga gwokomitiye yOngongahangano yAakwaluther mOngeleki yaandjawa sigo 1977. Okwa yakula wo muukomitiye wi ili nowi ili u na sha

nomahanganu omanene goongeleki ngaashi; LWF na WCC.

Okwa talelapo wo iilongo oyindji yomuAfrika yokuuninginino noyokuuzilo. Owino we owa mbwalangandja miinima yopangeleki noyopamapangelo.

Sho a thiki mombelewa ye ompe muGeneva, okwa adha mo etokolo enene ndyoka lya adhikwa opo lya ningwa koshigongi shaayehe shOngongahangano muBudapest, sho Oongeleki oonkwaluther dhAatiligane mu SA nomuNamibia dhu umbwa mo mehanganu lyaayehe, omoluunyengwi wadho wokupangula wokupangula okatongotongo montaneho.

"Onde ya popepi ndi tale ngame ndi pulakene aamwameme mbaka nkene ye li po," osho a tumbula.

Pethimbo lyetalelo po mOwambo omasiku gatatu, okwa talela po Oshipangalo shOngeleki Onandjokwe, moka a hempulula kutya Ongeleki otayi longo mo oshilonga sha simana, okuyakula omuntu.

Okwa talela po wo osikola yokombanda, mOshigambo. Okwa kundathana wo naawiliki yOngeleki dhilwe moshilongo ngaashi Ongeleki yaAnglikan noyaKatoolika kaRooma.

Sebulon Ekandjo

Uunasikola muIsrael

"She ende tuu ngiini opo u ye kuIsrael?" Olyo epulo hali pulwa mboka ya pelwe uunasikola, yi ilonge mEnongelo lyUuTeolohi lyaSweden (STI) muJerusalem.

Ongeleki yEtumo lyaSweden (Church of Swidish Mission) oyo mwene gwEnongelo ndika. Omwa ningwa ookersesa sha huma ko dhuuteolohi (advanced Theological Courses), dha ningilwa Aaskandinavia melaka lyOshisweden.

Omimvo ndhino ongeleki ndjoka oya tokola yi gandje uunasikola mboka ku yalwe moongeleki oonkwaluther muuyuni auhe. Ehiyo ndyoka olya tuminwa wo oongeleki dhetu, naalongwa yotango mokersesa ndjoka yopaigwana oya li T. Ndiwakalunga na M. Nelumbu momumvo 1982.

Okersesa ontiyali yopaigwana ya li ko 1984, okwa tuminwe E. Amaambo, H. Tshilongo na N. Kapofi. Mboka taa kwatwa koshihogololitho otaku tegelelwa ngaa ya kale ye na ontseyo yelaka lyOshiheberi.

Ihe mokersesa yomomumvo 1984 osha li sha thanekwa ando ku ningwe wo ookersesa dhi ikwatelela kEtestamendi Epe, opo mboka ye na ontseyo yOshigreka ya mone wo ompito okuya ko. Omumvo 1984, mongundu omwa li aalongwa 13 yomomavi 10: Argentina Etiopia 1, India 2, Pakistan 1, Malaysia 1, Tanzania 1, South Africa 1, Sweden 1, Hong Kong 1, Namibia 3.

Molufu talu landula ope na etegameno kuIsrael ku ye natango aailongi taa zi moongeleki dhomuNamibia. Ilongekidha ano u ka kale gumwe gwomuyo.

H. Mp. Pauly



Amushangandjayi dr G. Staalsett pamwe nomukulukadhi gwe ta popitha ongundu yaanashilonga mu ELCIN.

Dha za kep. 6

opo e ya kwatakanithe naalongi ye kovenduka. Omolwomalaka, otaku popilwa aagundjuka mboka ya pita Std 8 na Std 10 oyo ya pewe ompito dha tya ngeyi, ngele oye na ehalo.

* Aayakuli yuunamiti otaya tegelelwa ya kwatathane noshigwana moonkundathana, opo ya kundathane nkene ye na okushonopeka omikithi moshigwana shetu;

* Omahangano ganangeshefa oga tegelelwa gi imange kumwe noshigwana, opo ya dhike po ooprojeka tadhi kwatha mokutunganga oshigwana.

* Aakwashigwana otaya tsuwa omukumo opo ya tsikile nokudhika "uupale" wokulandithila, unene pomahala mpoka hapu tsakanene aantu oyendji;

* Aanangeshefa aanene otaya indilwa ya gandje tango ompito kwaamboka ye na uulandithomwa wanathangwa, oyo ya mone tango omahala "puupale" (African Markets).

* Oshipango shoka tashi ti Hola mukweni ngaashi wi ihole mwene, nashi tamununwe mo sigo omokuhola omudhingoloko ngaashi iimuna, iiyamakuti nomiti, twaa yi ninge onyanya.

* Oompangu momikunda nadhi uthwe pauyuuki, haku dhenga aantu omitse kumwe nokupewa oombumbo. Etokolo kehe nali lalakanene okuhanganitha oonakuningathana;

* Osha puka okuya miilonga yuulongisikola nenge yuupangi u na omadhiladhilo guukapitali ano to falwa mo kohole yiimaliwa, ihe hakohole yoshigwana shoye. Ohole yoshigwana ovo nayi kale tango moshilongayakulo kehe.

* Aavalelwamo oya tsuwa omukumo ya tsikile nokutota omahangano, taga kwatha mokupe-ndula po oshigwana.

Pakupopya kwomunashigongi gumwe a li moshigongi sha zile ko, shika shonuumvo osha li naantu oyendji ye vule mbeyaka. Ishewe, numvo aanashigongi oyendji oya li ya manguluka okugandja omadhiladhilo gawo pwaa na uumbanda washa.

"Pakutala kwandje, euvoko nalyo olya li hwepo numvo maakwashigongi," osho omukwashigongi nguka a tsikile nokuhokolola omayoololo ngoka a dhimbulula po pokati koshigongi shonuumvo naashiyaka shomumvo gwa zi ko.

Omumvo gwa zi ko oshigongi shiyaka tashi popiwa omwa li mwa kalwa kaantu ye thike lwopo 40 ayeke, ashike numvo otaa tengenekwa ye vule 100.

Eso

Elia Silas Hayoonga okwa xulifa 19.1.1986 pofaalama i li kOkahandja. Okwa fiya ko oonona vatano nomukulukadi waye. Efudiko ola ningwa momukunda odjofima mOukwanyama.

Eimbilo 633

Vilho Kalifeni Nghifilenya
Windhoek

Okuza Febuluali petameko numvo mOvenduka omwa kala epangulo lyaalumentu yaheyali mOhofa yokombanda. Omahokololo ngoka taga zi mo, omuntu ito hala nando okuzimina, omilungu otadhi kukuta owala nelaka otali kakatele kondaathelo waa vule nando okumakuka oshitya shonkumwe.

Ombangi yepangelo ya holoka tango moshiketha oFrans Hango (27). Nguka okwa pita nokuli oStanda 8 nokwa li ti ilongele natango oDipoloma kOsikola yuunamapya mOgongo.

Mehokololo lye okwa ti okwa kala ngaa a tseya SWAPO nokwa kala miigongi ya SWAPO mOvenduka. Ongundu ndjoka okwa ningi oshilyo shayo okuza 1978.

Okwa tsikile ta ti, okwa kala a tseya omalalakano ga SWAPO gopatatu ngoka ta ko-

ndjo nago iita ye; ekondjo lyopapolitika, lyopaudipolomati naandyoka lyopamatati, ashike okwa kala inaa mona omukwiita gwa SWAPO a homata.

Aniwa esiku limwe omulumentu gwedhina Joel okwe mu pula e mu kwathe miilonga yehanagulo momatungo gepangelo, ashike aniwa ina yelitha kutya omatungo geni po, Frans okwe mu zimine.

Omumvo 1984 muJuni oya tsakanene ishewe naJoel ye li naNorbert, ngoka e mu ulike e li mongundu yaapangulwa mboka yaheyali. Oonkundathana dhawo odha li molwokulogathana elongitho lyooboma noinaa mona we Joel okuza kesiku ndyoka.

Frans Hango okwa tsikile nehokololo lye ta ti, kutya omuntu ngoka a mono ishewe ohi ithanwa Desi, (naye e li mongundu yaatamanekwa). Desi ngoka okwe mu ulukile okanima, aniwa oboma yomangeneta nokwe ke mu pe.

Tala kependja tali landula

Eyakulo lyaavu

Dha za kep. 1

Ihe pahokololo ndyoka omusamane P.Kalangula a gandja kiifo, ota ti: Omusamane Moses Katjiuongua (ominsteli yuukalinawa mepangelo lyopakathimbo), okwa hala ashike a gandje eyakulo lyopaunamiti lyOwambo keyakulo lyopaunamiti lya SA.

"Walyewo ngele omolwaashoka oshikondo shoka hashi mu futu ondjambi one-ne," osho omusamane Kalangula ti ipula nelalakano lyokuhilila iilonga yuunamiti metonatelo lyaakwiita ya SA, manga itaashi ningilwa wo Namibia alihe.

Omumbisofi gwa ELCIN, dr K.Dumeni, naye okwa kumwa noonkondo komatokolo ngoka ga ningwa po kepangelo lyopakathimbo. Iipangelo yOngeleki, nonando ya kala hayi pewa iimaliwa tayi zi kepangelo, inayi kala momautho gepangelo.

Omumbisofi okwa kuminwa koonkatu dha katukwa kepangelo lyopathimbo okukutha po eyakulo lyaavu nokuhulitha po uuthemba waakwashigwana okuhokanithwa paveta, manga eyakulo ndyoka tali longekidhilwa po inaali thika natango. (Tala wo okomenda mep.2)

"Oyo tuu ohenda ndjono koshigwana sho tapu kuthwa shono sha li tashi kwatha aantu po inaapu tulwa sha oshipe?" osho omumbisofi naye i ipula.

Okuza pomimvo dho-1950, Ongeleki ndjika oya kongele aakwanegongalo ya-

yo ompito yokuhokanithwa paveta opo nayo wo ya tyapule omauwanawa agehe ngoka haga ningilwa mboka ya hokanithwa pamukalo ngoka.

Pethimbo ndika, opwa adhikwa pu na nokuli aasita ye vule 40 ye na uuthe- mba wokuhokanitha paveta naasita ye vule 50 unene aagundjuka, mboka taa kongo natango ompito ndjoka. Omumvo kehe mOngeleki ndjika ohamu hokanithwa aakwanegongalo 700 nenge 800.

Sebulon Ekandjo

Dha za kep. 2

la muKalunga ketu, Omunankondo adhihe, nomunesilohenda nokukala wo meite- dhululo lyashili, opo Kalunga ketu, molwaJesus Kristus Omuwa gwetu, e tu sile ohenda.

Inamu kanitha einekelo, neitaalo. Kalunga ketu opo e li ote tu kwatha. Ita nyengwa oku tu pa ombili nemanguluko koonkondo dhe oonene. Kalunga ketu opo e li natango, ote tu sile oshimpwiyu. Esiku lyemanguluko lyaNamibia oko li li komeho.

Mboka ya si, nenge taa si notaa hepa natango, otandi kumagidha ku dhigini- nwe eitaalo muJesus Omuwa gwetu. Oshoka aantu yaKalunga ngele ye na omwenyo nenge taa si otaa ka pewa omwenyo nombili yaaluhe.

"Jesus Kristus Oye Omuwa."

Oya zi po pegumbo mpoka ya li omuhokololi inaa tseya kutya olyalye, ihe konima mwene gwegumbo, Frans ota ti okwe ke mu mona mondholongo mOvenduka.

Ombangi oya tsikile nehokololo lyayo ya ti, oye ke ya ihe pegumbo limwe yo naDesi. Oya yi pomuti gumwe popepi negumbo. Desi okwa tameke ta fulu noonnyala pekota lyomuti nokwa hitulula po okampunda konailona moka mwa li oshinima shoka Desi ta ti, osho oboma yomangeneta.

Desi okwa thetele uumuhi uyali moboma nokwe mu fatululile nkene tayi longithwa. Desi okwa lombwele (Frans) oboma ndjoka e yi tege mobesa yaAatiligane ndjoka hayi ende pokati kOshakati nOndangwa.

Obama sho e yi pewa omuhokololi Frans okwa ti okwe yi tula moshihauto she nokwa yi kOshakati. Sho e ya pegumbo lyamumwayina okwe yi dhangile mombapila noku yi pungula metayela lyoshihauto.

Pakudhimbulukwa kwe, shono osha ningwa muSeptemba nenge muKotoba 1984. Obama okwa kala nayo sigo a kwatwa muJanuali 1985. Sho a pulwa kutya oshike inee yi longitha, okwa ti eiuvo lye inali shi popila e shi ninge.

Okwa ti mondholongo okwa kala i ikalekelwa mOsire, popepi nOtjiwarongo, konyala uule womumvo gumwe.

Obama mepya

Ombangi ontiyali ya gandja ehokololo lyayo mepangulo ndika oImmanuel Hamutenya (43). Omusamane Hamutenya omukuluntusikola pOnambwebwe, popepi nOmafa.

Nguka okwa ti esiku limwe ngiika muJuni nenge muJuli 1982 Sunny Boy okwe ya puye, a londa okambasikela ti indile Hamutenya e mu thindikile kositola yaMateus Nafuka. Ehokololo otali ti Hamutenya oya li ya tsakanena ishewe naSunny Boy positola tuu ndjoka muApilili 1982 manga ya li noshihauto sha papa Hamutenya e te ya kwatha.

Oshikando shika Hamutenya ota ti oya li yaali, ihe inaa popya shono taa ka ninga kositola. Okwe ya thindikile ngaashi ya pula, ashike Sunny Boy okwa holola ngaa kutya yo aakondjelimanguluko niilyo ya SWAPO.

Petameko lyaJanuali 1983, Sunny Boy okwe ya aniwa natango puHamutenya. Oshikando shika oye ya po naPaulus Iiyambo (naye omupangulwa No 1) nagumwe hi ithanwa Steven. Ayehe oya li kuumbasikela.

Mbaka oya ti oya zi kuAngola noye mu (Hamutenya) indile e ya thindikile kuBernadinus Shikongo (omupangulwa No.4).

Shikongo kaandjawa okOshikushashipya. Hamutenya okwa zimine e ya thindikile ko noForda ye. Ngoka ya hala inaye mu adha ko.

Ishewe mbaka oya ka galukila kaandjawa yaHamutenya konima yethimbo efupi, ye Paulus Iiyambo ota gandja okakatonga kuHamutenya e ka pungule pehala ewanawa. Ehokololo olya ti Iiyambo okwe mu kumagidha naanaa okapakete hoka kaa monike kaantu yalwe.

Omimvo ndatu te kondjo nomwenyo: Imbili ta ti

Omuwiliki gwokangundu National Democratic Party (NDP) mOwambo, omusamane Tara Imbili, okwa lombwela aaniifondana omasiku ga zi ko, kutya ina kala aniwa neiuvo lya yela sho ta longo pondje yehalo lyOngeleki ye.

Okangundu NDP kiilyo yimwe yimwe yaAwambo unene omalenga, oke li oshilyo membwinda lya DTA, moka omusamane Imbili e li omunashipundi gwopevi.

Opaati yomusamane Imbili oyi li wo ontihamano mwaandhoka dha thikameka po epangelo lyopakathimbo lya dhikilwe ku SA mOvenduka, muJuni gwomumvo gwa yi.

Pashifondana: Windhoek Observer 15.2.86. omusamane Imbili okwa holola nkene ekwatathano lye no DTA lya kala aniwa lya dhigupaleka omaiuvu ge.

“Omimvo adhihe ndhoka ndatu dha zi ko, ote kondjo nomwenyo, sho nda mono nkene aantu yandje ye etha ndje nOngeleki yandje kaayi na we nangame,” osho aniwa kwa li e shi tala ngaaka.

Omumvo 1983 aantu oyendji moshigwana oya li yi ipula noonkondo nkene Imbili te enditha uupolotika we. Opaati yepangelo lyOwambo ndjoka yi li koshipundi sho ya li ya tokola omumvo ngoka okweetha po ekwatathano lyayo no DTA omolwoveta yokatongotongo AG-8, ndjoka tayi longithwa mo, omusamane Imbili oyo ya thigi le po Ovenduka ye ya kOwambo.

Konima yokathimbo okafupi, okwa shuna ko ishewe ya ka tsikile “Odata”, oyendji noye shi kuminwa.

Omusamane Hamutenya okwa lombwele ohofa kutya okwa yi e ta fumvike okapakete hoka mepya miilya.

Pakonakono lyohofa opwa dhimbulukwa moshipakete mwa li oboma (TMA 3 nonkwawo ishewe PMD 6.) Pahokololo lyombangi okwa li wo iinima ya fa omuhi gwomagadhi gombuta, ngiika yi thike 12.

Shoka osha li sha ningwa muMai 1983. Okuza mpoka Hamutenya okwa ti oya ka tsakanena naIiyambo ashike 1984 sho te mu laleke kutya ota shuna kuAngola, ngiika a ka tsikile eidheulo lye.

Hamutenya okwa yamukula ohofa a ti, okwa kala e shi shi kutya, Paulus Iiyambo omukondjelimanguluko gwa SWAPO. Omumvo 1985 muFebuluali, etanga lyegameno olye ya pegumbo lye (Hamutenya) nolye mu kwata po.

Koporala gwetanga ndyoka lye mu kwata po okwe mu indile e ku ulike mpoka a pungula oshipakete, Hamutenya okwe shi ningi.

Momapulo omusamane Hamutenya oshilyo sha SWAPO, osho wo ina kala a tseya shono tashi

Omusamane Imbili oshilyo shegongalo Oshitayi mOndonga, nopahokololo lyomusita gwegongalo ndyoka T. Ngula, Imbili ke hole okufaula elongelokalunga, siku ndyoka e li mOwambo.

Pahokololo lyomusamane Imbili mwene, ota tala kutya epangelo lyopakathimbo kali na shoka tali eta po lyaa li melongelokumwe na SWAPO, onke kuye oshihwepo okuthiga po ondjambi tayi tengenekwa R4000 komwedhi, sh vultithe okukala miilonga yeiuvu inaali yela.

Oradio SWA yeti 4.3.1986 potundi 1.15 yomutenya melaka lyOshimbulu, oya li ya tseyitha ehogololo lyomuwiliki omupe gwongundu ndjoka NDP mOwambo noya ti, kutya ehogololo olya ningwa sho omuwiliki gwayo T. Imbili a tidhwa mo mongundu. OMUKWETU ina mona omusamane Imbili a gandje uuyejelele we moshinima shoka.

Omusamane Imbili mboka ye mu shi nawa, otaa ti oye gumwe gwaamboka ya dhike Odata okuza 1977. Okwa ningi omunashipundi omupeha gwoshigongi shoka, nakusa Ndjoba sho e etha onkatu ndjoka.

Omumvo 1984 pehulilo okwa hogololwa a ninge omupresidende gwopevi mo DTA nopethimbo lyepangelo lya Turnhalle oye gumwe a kala mongundu yOraata yooministeli dhepangelo ndyoka.

Sebulon Ekandjo

ka ningwa niitopitha mbyoka a pungula. Okwa ka pungulwa oomwedhi hamano kokamba kOsire, a tegelela epangulo.

Ekende popomba yomaahooli gaKatana; lya landulwa keso lyAayamerika nolya-Nakambonde.

Ombangi ontintatu ya gandja ehokololo lyayo mohofa omunwethi gwomahooli pongalasho yaKatana, mOshakati, Paulus Rafael (43).

Nguka ota dhimbulukwa oshiningwanima sheti 15.4.1984 mOsoondaha manga e li miilonga. Omusamane Oscar Haludilu okwe ya pongalasho mpoka. Ota ti Haludilu okwa kala e mu shi shito.

Haludilu oya li naRehabeam Nakatana ngoka ta hingi, naye a tseyika komuhokololi. Patengeneko moshihauto omwa fa mwa li aantu yane, osho ehokololo lya ti.

Omusamane Nakatana okwa pula opetololi yoo R15-00 e ta gandja R20-00 komuyakuli. Oshendja okwe ke yi tala kokambelewa. Sho a gandja oshendja yaantu, Oscar Shikuyeni moshihauto shoka natango, okwa pula omagadhi giitenda nokwa lombwelwa komuyakuli kutya ihaye ga landitha Osoondaha.

Kepandja tali landula

Ombangi oya tsikile nehokololo lyayo kutya, konima mbaka yooHaludilu sho ya zi po, opwe ya ishewe Aatiligane yaali ye li mokaToyota. Okahauto oke na oindjina yoDisela noya pula otenga yawo yi udhithwe. Natango okwa zi ishewe oshihauto shoshikoto shomashete, tashi nwehwa.

Omusamane Paulus okwa ti opompito ihe ndjoka manga ta pungulula omunino gwoshela a nwehe nawa oToyota, opo a dhimbulula omunino itaagu inyenge nawa. Mokutala nawa okwa mono ihe ekende lya thikama komeho gopomba ndjoka yoDisela.

Olya li ekende enene ngaa, lya fa ekende lyomeya. Sho a tala, oshikalimo osha fa omeya omashunga ga ninga iigodhi. Ine li kutha po nando, okwe li ulukile Aatiligane nayamwe mboka ya li mpoka nokwa tsikile okuudhitha oToyota ndjoka.

Aatiligane oya li taa popi Oshiingilisa, noye mu pula (Paulus) e ya pe okambapila komafutulo, hoka ke mu shunitha natango kokambeleva. Omusamane Paulus okwa lombwele ohofa ta ti, manga tuu ta nyola okambapila hoka komafutulo opwa ningwa etopo edhigu.

Ohaluka oku lwete oshihauto ashihe shi li koho yomulilo ye (omuhokololi) nokufadhuka po. Omulilo sho gwa dhimwa okwa adha pompile omidhimba dhaatiligane yaali nayamwe ye ehamekwa nayi. Ina mona we gulwe a sila mo.

Konima yoshiningwanima okwa falwa kOsire e ku ulike mboka ya ende pomahooli, manga

etopo inaali ningwa. Oko ihe a adha Rehabeam naOscar Shikuyeni nokwe yu ulike kutya oyo ye ende po.

Momapulo omusamane Hamutenya oshilyo sha SWAPO, osho wo ina kala a tseyi shono tashi ka ningwa niitopitha mbyoka a pungula. Okwa ka pungulwa oomwedhi hamano kokamba kOsire, a tegelela epangulo.

Ekende popomba yomaahooli gaKatana; lya landulwa keso lyAayamerika nolya-Nakambonde.

Ombangi ontintatu ya gandja ehokololo lyayo mohofa omunwethi gwomahooli pongalashyaKatana mOshakati, Paulus Rafael (43).

Nguka ota dhimbulukwa oshiningwanima sheti 15.4.1984 mOsoondaha manga e li miilonga. Omusamane Oscar Haludilu okwe ya pongalashya mpoka. Ota ti Haludilu okwa kala e mu shi shito.

Haludilu oya li naRehabeam Nakatana ngoka ta hingi, naye a tseyika komuhokololi. Patengeneko moshihauto omwa fa mwa li aantu yane, osho ehokololo lya ti.

Omusamane Nakatana okwa pula opetololi yoo R15-00 e ta gandja R20-00 komuyakuli. Oshendja okwe ke yi tala kokambeleva. Sho a gandja oshendja yaantu, Oscar Shikuyeni moshihauto shoka natango, okwa pula omagadhi gitenda nokwa lombwelwa komuyakuli kutya ihaye ga

landitha Osoondaha.

Ombangi oya tsikile nehokololo lyayo kutya, konima mbaka yooHaludilu sho ya zi po, opwe ya ishewe Aatiligane yaali ye li mokaToyota. Okahauto oke na oindjina yoDisela noya pula otenga yawo yi udhithwe. Natango okwa zi ishewe oshihauto shoshikoto shomashete, tashi nwehwa.

Omusamane Paulus okwa ti opompito ihe ndjoka manga ta pungulula omunino gwoshela a nwehe nawa oToyota, opo a dhimbulula omunino itaagu inyenge nawa. Mokutala nawa okwa mono ihe ekende lya thikama komeho gopomba ndjoka yoDisela.

Olya li ekende enene ngaa, lya fa ekende lyomeya. Sho a tala, oshikalimo osha fa omeya omashunga ga ninga iigodhi. Ine li kutha po nando, okwe li ulukile Aatiligane nayamwe mboka ya li mpoka nokwa tsikile okuudhitha oToyota ndjoka.

Aatiligane oya li taa popi Oshiingilisa, noye mu pula (Paulus) e ya pe okambapila komafutulo, hoka ke mu shunitha natango kokambeleva. Omusamane Paulus okwa lombwele ohofa ta ti, manga tuu ta nyola okambapila hoka komafutulo opwa ningwa etopo edhigu.

Ohaluka oku lwete oshihauto ashihe shi li koho yomulilo ye (omuhokololi) nokufadhuka po. Omulilo sho gwa dhimwa okwa adha pompile omidhimba dhaatiligane yaali nayamwe ye ehamekwa nayi. Ina mona we gulwe a sila mo.

Konima yoshiningwanima okwa falwa kOsire e ku ulike mboka ya ende pomahooli, manga etopo inaali ningwa. Oko ihe a adha Rehabeam naOscar Shikuyeni nokwe yu ulike kutya oyo ye ende po.

Ombangi oonkwawo dha popya; oMarius Valombola (27) omulongi posikola yaMbwana; Agapitus Stefanus (32) omulongi posikola yEmono; Modestus Kashiweka (30) Omukuluntusikola pEmono; Andreas Shapumba (35) omulongi gwomwaalu mOgongo naFerdinand Shifidi (35) omukuluntusikola pOnepandaulo .

Iinima iikwawo ya li ya hololwa mepangulo ndyoka ongaashi; Edhipago lyaantu yahetatu oshita megumbo limwe pOshikuku 1982, Etopo lyoboma mofabulika yonyama, Eloolo osho wo etopo lyoboma mombelewa yopashigwana mOshakati.

Eti 27.2.86 epangulo olya ka hula pamukalo tagu kumitha sho aapangulwa ya zimine ondjo ndjoka taye yi tamanekelwa, oshinima shoka ya kala ye shi tinda ethimbo alihe lya piti.

Mboka ya kala mepangulo ndyoka oyo: Frans Angula (28) ngoka a tamanekelwa iilonga yethiminiko 35, Norbert Ankome (25) a tamanekelwa iilonga yethiminiko 18; Elkan Shoombe Simon (21) a tamanekelwa iilonga yethiminiko 12; Bernadius Petrus Shikongo (47) a tamanekelwa eitulemo lye neyambidhidho kiilonga yutereolesa; Desderius Ankome (26) a tamanekelwa iilonga yethiminiko; Festus Utoni (28) a tamanekelwa iilonga yethiminiko 9 na Vilho Kashululu (22) ngoka a tamanekelwa omatamaneko 18 sha kwatelela mo okambo kedhina Political Terms.

MuApilili 16, 1986 ohofa otayi ka gandja egeelo kaayoni mboka, sho ya konakona tango ondjuundo nonkalo yomayono noyaayoni.

Ya mangululwa mondholongo

Frans Iihuhwa
Oscar Haludilu
Jona Kambudu
Festus Kalambuka Haikonda
Reinhold Paulus Shimali
Salatiel Endjala
Paulus Shilongo
Immanuel Amutenya
Johannes Akambai
Modestus Kahweka
Paulus Shipweya
Rehabeam Nakatana
Leonard Iileka
Petrus Mukwendje
Oscar Shikoyeni
Jeremia Shimwandi
Ferdinand Shifidi
Agapitus Stefanus
Iiyambo Iipinga
Evaristus Ankome
Paulus Rafael
Andreas Shapumba
Frans Hango
Marius Walombola
Isai Kuliwoye
Lamek Kavila
Absalom Onesmus
Andreas Namhweya
Rehabeam Nambinga
Selma Nepolo


Natango ya dhigininwa

Henok Malakia
Gerhard Nafuka
Naftali Andimba
Mateus Gabriel
Andreas Gideon
Reinhold Shipo
Elkan Shoombe (21)
Johannes Utoni (50)
Listo Katengo (Sheya)
Petrus Nangombe (Kakede) (37)

Frans Angula (28)
Norbert Ankome (25)
Desiderius Ankome (26)
Vilho Kashululu (22)
Bernadius Shikongo (Petrus) (47)
Festus Utoni (Napoleon) (28)
David Shiimbi
Toivo Kankono
Johannes Jeremia (20)
Eliakim Johannes
Kleopas Johannes
David Johannes Nakwafila
Uejulu Ndume
Letta Alumbungu (Oshigambo)
Martin Akweenda (Oniipa)
Markus Paulus (Onguta)
Natanael Amukugo (Oniipa)
Festus Mvula
Abel Festus
Amakali (Oneeya)
Helmut Angula
Nestor Ashoongo
Petrus Haimbodi
Filemon Hamukoto
Frank Hamunime (40)
Eric Iikukutu
Amutenja Iipinga
Stefanus Iishilelo Teofilus
Johannes Festus
Sakaria Barakias
Tara Sakaria
Viktoria Moshana

Lusia Nanghama
Lukas Nauyoma
Kondjeni Nenghede
Werner Paulus
Teofilus Shidjuu
Henok Shifeta
Iiyambo Shilongo (37)
Timoteus Shikongo (48)
John Shiluwa (30)
Petrus Shipahu

EKONAKONO KONYOTHI YAHALLEY KEGULU



Kolumoholela eshina Giotto, lya tumwa kehangano lyiitukimbe-po lyaEuropa. Eti 13 olya thikile popepi nonyothi ookilometa 500.

Eshina lya landula ko Sakigake, lyaJapan. Oli na iitopolwa iyali ayike mulyo mbyoka tali konakona onyothi.

Eshina ekwawo Vega 1, lyaRussia. Tali ka pita tango konyothi. Venus tali pitike ko sha, opo tali ka konakona onyothi Halley. O-tali ya ashike popepi nayo sigo ookilometa 3000.

Eshina lyahugunina Ice, lyaAmerika muule woomvula 10 dha piti olya kala tali konakona etango. Nge lya konakona omushila gwaHalley, otali pitilile po natanango ookilometa oomiliyona 30.

Omashina taga monika pombanda oga longithwa okutumwa konyothi Halley, ndjoka ya holoka pehulilo lyomumvogu mewangandjo. Ohayi holoka aluhe konima yomimvo 76.

LONGA YAKWENI YA TSEYE OKULESHA

Owa tseya tuu kutya moshilongo shetu omu na aantu kaaye shi okulesha nokushanga kuyo yene, yo otaa tengenekwa ye thike lwopo 800 000?

Ninga po nee shomupondo opo aantu ye li pomudhingoloko gwoye nopuushiinda, ya tseye okwiileshela nokushanga kuyo yene ngaashi ngoye. Sho shene oshipu oku shi ninga.

Shanga omusholondondo gwomadhina sigo ga ningi 20. Inda komusita gwegongalo lyeni ngoye mu pa omusholondondo gwomadhina, ye ne ku pe ezimino opo wu ninge eindilo lyoku ya longa.

Ombapila yoye yeindilo nayi kale yi na oshihako shegongalo lyeni neshainoshikaha lyomusita nenge eshainoshikaha lyomukatekete nenge ngono e lile po egongalo lyeni, e to yi tumu kondjukithi tayi landula mpaka:

The Namibia Literacy Programme
P.O.Box 608 nenge 635
Oshakati
Far North Namibia
9000

Ngu to ningi eindilo kala u na iinakugwanithwa mbi tayi landula:

1. Onzapo yohamano Std 6
2. U shi nawa okushanga oondanda oonene noonshona
3. U shi okulesha nokushanga elaka lyuuvalelwamo
4. Kala u shi okutotha nawa Oshiingilisa oku shi lesa noku shi shanga.

Otaku ka longithwa owala oombapila dha nyolwa mOshiingilisa nenge mOshimbulu.

Ninga eindilo lyoye lyomvula tayi ya 1987, omanga eti 30 Juni 1986, inaali thika.

Edhimbulukwo lyeso lyOmukulili nali dhigininwe tuu

Opaasa oyi li popepi, nomaudhano gomuNamibia omo haga longekidhilwa mesiku ndyoka. Oshike Namibia ha shundula esiku ndyoka enene lyoluhodhi, moka oomwenyo dha pumbwa emweneneno koshipala shOmushiti okudhiladhila shono twa longelwa?

Aamwatate aaholike naithanenwa yoshipewa shomwenyo gwaaluhe, unene tuu kune mboka mwa pewa oshimpwiyu shokulongekidha omaudhano mesiku ndyoka, onawa ngele tamu gandja ompito ya manguka kaadhani, opo nayo wo ya dhiladhile ekulilo lyoomwenyo dhawo.

Esiku Jesus a si, etango olya li wo lya siikile oshipala shalyo onguwo onduudhe, evi olya kakama, ihe omuntu ongoye omushike waa uve oluhodhi nenge waa gundjile koshipala shaKalunga megalikano? Inatu igilileni iinima ya tya ngeyi iyapuki.

Silweni ohenda ne mu taambe ko epukululo ndika.

L. A. Max

OMUKWETU

Oye oshifo shOngeleki Onkwaevangeli paLuther yomuSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofu Kleopas Dumeni.

Amushanga gwoshifo omusita Sebulon Ekanjo

Ondando yOmukwetu muNamibia naSouth Africa R5,00 komumvo.

Palwe muAfrica R 8,00 nokombanda yomafata R11,00 komumvo. Mondhila R13,00.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

ELOC PRINTING PRESS
PRIVATE BAG 2013, ONDANGWA 9000
SWA/NAMIBIA